



春秋左氏傳

再刻

廿九

三十一

服部文庫

117

205

11





春秋

左傳卷二十一 昭公盡九年

四年春王正月大雨雹當雪而雹故以夏楚子為災而書之

蔡侯陳侯鄭伯許男徐子滕子頓子胡子沈子小

邾子宋世子佐淮夷會于申楚靈王始合諸侯楚人執徐

子稱人以執以不道於其民告秋七月楚子蔡侯陳侯許男頓

子胡子沈子淮夷伐吳因申會以伐吳不言諸侯者鄭徐滕小邾宋不在故

也胡國汝陰縣西北有胡城執齊慶封殺之楚子欲行霸為齊討慶封故稱齊

遂滅賴九月取鄆鄆莒邑傳例曰克邑不用師徒曰取冬十有二月

乙卯叔孫豹卒

四年春王正月許男如楚楚子止之欲與俱田遂止

鄭伯復田江南許男與焉前年楚子已與鄭伯田江南故言復使椒

舉如晉求諸侯二君待之鄭許椒舉致命曰寡君

使舉曰日君有惠賜盟于宋宋盟在襄二十七年曰晉楚之

從交相見也以歲之不易不易言有難寡人願結驩於

二三君欲得諸侯謀事補闕使舉請間君若苟無四方之虞

虞度則願假寵以請於諸侯欲借君之威晉侯欲也

勿許司馬侯曰不可楚王方後天或者欲逞其心

以厚其毒而降之罰未可知也其使能終亦未可

知也晉楚唯天所相相助也不可與爭君其許之而

脩德以待其歸若歸於德吾猶將事之况諸侯乎

若適淫虐楚將棄之棄不以為君吾又誰與爭公曰晉

有三不殆其何敵之有也殆危也國險而多馬齊楚多

難多篡弒之難有是三者何鄉而不濟對曰恃險與馬

而虞鄰國之難是三殆也四嶽東嶽岱西嶽華南嶽衡北嶽恒

塗在河南南陸渾縣南陽城在陽城縣東北大室在河南陽城縣西南荆山在

城在河南南陸渾縣南中南在始平武功縣南九州之險也是不一姓雖

天下至險無德則滅亡燕代冀之北土馬之所生無與國焉恃

險與馬不可以為固也。從古以然是以先王務脩德音以亨神人。亨通也不聞其務險與馬也。鄰國之難不可虞也。或多難以固其國，啓其疆土，或無難以喪其國，失其守宇。於國則四垂為宇若何虞難？齊有仲孫之難，而獲桓公，至今賴之。仲孫公孫無知事在莊九年晉有里平之難，而獲文公，是以為盟主。里克平鄭事在僖九年衛邢無難，敵亦喪之。閔二年狄滅衛僖二十五年衛滅邢故人之難不可虞也。恃此三者而不脩政德，亡於不暇，又何能濟？君其許之。紂作淫虐，文王惠和，殷是以隕。周是

以興。夫豈爭諸侯，乃許楚使使叔向對曰：寡君有社稷之事，是以不獲。春秋時見言不得自往謙辭諸侯君實有之，何辱命焉？椒舉遂請昏。蓋楚子遣舉時兼使求昏晉侯許之。楚子問於子產，曰：晉其許我諸侯乎？對曰：許君，晉君少安，不在諸侯。安於小小不能遠圖其大夫多求。貪也莫匡其君，在宋之盟。又曰：如一。晉楚同也若不許君，將焉用之？焉用宋盟王曰：諸侯其來乎？對曰：必來。從宋之盟，承君之歡，不畏大國。大國音也何故不來？不來者，其魯、衛、曹、邾、平、曹、畏、宋、邾、畏、魯、魯、衛、偏、於、齊、而、親、於

晉唯是不來其餘君之所及也誰敢不至言楚威力所能

及王曰然則吾所求者無不可乎對曰求逞於人

不可逞快也求人以快意人必違之與人同欲盡濟為下會大雨

雹季武子問於申豐曰雹可禦乎禦止也申豐魯大夫對曰

聖人在上無雹雖有不為災古者日在北陸而藏

冰陸道也謂夏十二月日在北陸朝覲而出之謂夏三月

日在昴畢蟄蟲出而用冰春分之中奎星朝見東方其藏冰也深山窮谷固

陰沍寒於是乎取之沍閉也必取積陰之冰所以道達其氣使不為災其

出之也朝之祿位賓食喪祭於是乎用之言不獨共之

其藏之也黑牡秬黍以享司寒黑牡黑牲也秬黑黍也司寒玄冥北

方之神故物皆用黑有事於冰故祭其神其出之也桃弧棘矢以除其

災桃弓棘箭所以禳除凶邪將御至尊故其出入也時食肉之祿冰

皆與焉食肉之祿謂在朝廷治其職事就官食者大夫命婦喪浴用冰

命婦大祭寒而藏之享司獻羔而啓之謂二月春分獻羔祭

冰始開公始用之優尊火出而畢賦火星昏見

月中四自命夫命婦至於老疾無不受冰老致仕山

人取之縣人傳之山人虞官與人納之隸人藏之

輿隸皆賤官夫冰以風壯冰因風而以風出順春風其

藏之也周也周密其用之也徧及老則冬無愆陽愆過

也謂夏無伏陰伏陰謂春無淒風淒寒秋無苦雨苦惡

霖雨為三人雷出不震震震無苗霜雹癘疾不降癘惡

氣也民不夭札夭短折為夭今藏川池之冰棄而不用

既不藏深山窮谷之冰又風不越而殺雷不發而

震越散也言陰陽電之為苗誰能禦之七月之卒

章藏冰之道也七月詩函風卒章曰二之日鑿冰

納于凌陰凌陰冰室也四之日其蚤獻羔夏諸侯

如楚魯衛曹邾不會曹邾辭以難公辭以時祭衛

侯辭以疾如子鄭伯先待于申自楚先六月丙午

楚子合諸侯于申椒舉言於楚子曰臣聞諸侯無

歸禮以為歸今君始得諸侯其慎禮矣霸之濟否

在此會也夏啓有鈞臺之享啓禹子河南陽翟縣

諸侯於此商湯有景亳之命河南鞏縣西南有湯周武

有孟津之誓將伐成有岐陽之蒐成王歸自奄大

岐山在扶風康有艷宮之朝艷在始平鄠縣東有

美陽縣西北穆有塗山之會穆王會諸侯於塗山齊桓有召

陵之師在僖晉文有踐土之盟在僖君其何用

宋向戌鄭公孫僑在諸侯之良也君其選焉選用

王曰吾用齊桓用會召王使問禮於左師與子產

左師曰小國習之大國用之敢不薦聞言所聞謙示所未行

獻公合諸侯之禮六其禮六儀也宋爵公故獻公禮子產曰小國

共職敢不薦守獻伯子男會公之禮六鄭伯魯故

會公之禮其禮同所從言之異君子謂合左師善守先代子產善

相小國王使椒舉侍於後以規過規正子之過卒事不

規王問其故對曰禮吾所未見者有六焉又何以

規左師子產所獻六禮楚皆未嘗行宋大子佐後至王田於武城

久而弗見椒舉請辭焉請王辭謝之王使往曰屬有宗

祧之事於武城言為宗廟田獵寡君將墮幣焉敢謝後見

恨其後至故言將因諸侯會布幣乃相見經并書宋大子佐知此言在會前徐子吳出

也以為貳焉故執諸申言楚子以疑罪執諸侯楚子示諸侯

後自奢椒舉曰夫六王二公之事六玉啟湯武成康穆也二公齊

桓晉皆所以示諸侯禮也諸侯所由用命也夏桀

為仍之會有緝叛之仍緝皆國名商紂為黎之蒐東夷

叛之黎東夷國名周幽為大室之盟戎狄叛之大室中嶽皆

所以示諸侯汰也諸侯所由棄命也今君以汰無

乃不濟乎王弗聽子產見左師曰吾不患楚矣汰

而懷諫也懷很不過十年左師曰然不十年後其惡

不遠遠惡而後棄惡及遠方善亦如之德遠而後

與為十二年楚秋七月楚子以諸侯伐吳宋太子

鄭伯先歸經所以更敘諸侯也時晉之屬國皆歸

時見故宋華費遂鄭大夫從從伐吳以使屈申圍

朱方朱方吳邑齊慶封所八月甲申克之執齊慶

封而盡滅其族慶封以襄二十八年奔將戮慶封

椒舉曰臣聞無瑕者可以戮入慶封唯逆命是以

在此逆命謂性其肯從於戮乎言不肯默播於諸

侯焉用之播揚王弗聽負之斧鉞以徇於諸侯使

言曰無或如齊慶封弑其君弱其孤以盟其大夫

齊崔杼弑君慶封其黨慶封曰無或如楚共王之

庶子圍弑其君兄之子麋而代之以盟諸侯王使

速殺之遂以諸侯滅賴賴子面縛銜璧士祖與觀

從之造於中軍中軍王王問諸椒舉對曰成王克

許在僖許僖公如是王親釋其縛受其璧焚其櫬

王從之從舉遷賴於郟郟楚楚子欲遷許於賴使

鬪韋龜與公子棄疾城之而還為許城也韋龜申

無字曰楚禍之首將在此矣召諸侯而來伐國而

克城竟莫校謂築城於外竟王心不違民其居乎

言將有事民之不處其誰堪之不堪王命乃禍亂

也九月取鄆言易也苦亂著丘公立而不撫鄆鄆

叛而來故曰取凡克邑不用師徒曰取著丘公去

奔者潰散而來將師微也鄭子產作丘賦丘十六

重發例者以通叛而自來國人謗之謗毀

曰其父死於路謂子國為已為蠶尾謂子產重賦

以令於國國將若之何子寬以告子寬鄭子產曰

何害苟利社稷死生以之以用且吾聞為善者不

改其度故能有濟也民不可逞度不可改度法詩

曰禮義不愆何恤於人言逸詩子產自以為權吾

不遷矣遷移渾罕曰國氏其先亡乎渾罕君子作

法於涼其敝猶貪涼薄作法於貪敝將若之何言

可久姬在列者在列蔡及曹滕其先亡乎偪而無

禮蔡偪宋鄭先衛亡偪而無法偪晉政不率法

而制於心民各有心何上之有子產權時救急冬

渾罕譏之正道

吳伐楚入棘櫟麻棘櫟麻皆楚東鄙邑譙國鄆縣東北有棘亭汝陰新蔡縣東北

有櫟以報朱方之役朱方役在楚沈尹射奔命於

夏汭夏汭漢水曲入江今夏口也吳兵在東北楚盛兵在東南以絕其後箴尹宜咎

城鍾離宜咎本陳大夫襄二十四年奔楚遠啓彊城巢然丹城州

來然丹鄭穆公孫襄十九年奔楚東國水不可以城彭生罷賴之

師彭生楚大夫罷鬪韋龜城賴之師初穆子去叔孫氏及庚宗成

六年辟僑如之難奔齊庚宗魯地遇婦人使私為食而宿焉問其

行告之故哭而送之婦人聞而哭之適齊娶於國氏國氏齊正

卿姜姓生孟丙仲壬夢天壓已弗勝穆子夢也顧而見人

黑而上僂上僂肩僂深目而狻喙口象狻號之曰牛助余

乃勝之且而皆召其徒無之徒從且曰志之志識也

及宣伯奔齊饋之宣伯僑如穆子之兄成十年六年奔齊穆子饋宣伯宣伯

曰魯以先子之故先子宣伯先人將存吾宗必召女召女

何如對曰願之久矣言兄始為亂已則有今日之願蓋忿言魯人召

之不告而歸既立在齊生孟丙仲壬魯召之立為卿襄二年始見經所宿

庚宗之婦人獻以雉獻穆問其姓問有對曰余子

長矣能奉雉而從我矣襄二年豎牛五六歲召而見之則所

夢也未問其名號之曰牛曰唯皆召其徒使視之

女生曰姓姓謂子也

遂使為豎豎小臣也傳言有寵長使為政為家公

孫明知叔孫於齊公孫明齊大夫子明也與叔孫相親知歸未逆國

姜子明取之國姜子孟仲母故怒其子長而後使逆之孟

丙仲田於丘犇丘犇地各遂遇疾焉豎牛欲亂其室而

有之強與孟盟不可孟欲使從己不肯叔孫為孟鐘曰爾

未際際接也孟未與諸大夫相接見饗大夫以落之以豕豬血既

具饗禮使豎牛請曰請饗入弗謁也謁白出命之曰

詐命及寘至聞鐘聲牛曰孟有北婦人之客北婦人國

姜也客謂公孫明怒將往牛止之寘出使拘而殺諸外孟

丙牛又強與仲盟不可仲與公御萊書觀於公書

公御土名仲與之私遊觀於公宮公與之環賜玉使牛入示之不

入不示出命佩之牛謂叔孫見仲而何如何叔

孫曰何為惟牛曰不見既自見矣言仲已自往見公公與

之環而佩之矣遂逐之奔齊疾急命召仲牛許而

不召杜洩見告之飢渴授之戈杜洩叔孫氏辛也牛不食叔孫叔孫

怒欲使杜洩殺之對曰求之而至又何去焉言求食可得無為去豎牛

蓋杜洩力不能去設辭以免豎牛曰夫子疾病不欲見人使寘

饋于个而退寘置也个東西廂牛弗進則置虛命徹為器令空

示若叔孫已食命去之十二月癸丑叔孫不食乙卯卒三日絕糧

牛立昭子而相之昭子豹之庶子叔孫姑也公使杜洩葬叔孫

豎牛賂叔仲昭子與南遺昭子叔仲帶也南遺季氏家臣使惡杜

洩於季孫而去之憎洩不與也杜洩將以路葬且盡

卿禮路王所賜叔孫車南遺謂季孫曰叔孫未乘路葬焉

用之日冢卿無路介卿以葬不亦左乎冢卿謂季孫介次也

左不季孫曰然使杜洩舍路舍置也不可曰夫子受

命於朝而聘于王在襄二十四年夫子謂叔孫王思舊勲而賜

之路感其有禮以念其先人復命而致之君君不敢自乘君不敢

逆王命而復賜之使三官書之吾子為司徒實書

名謂季孫也書各定位號夫子為司馬與工正書服謂叔孫也服車

是棄君命也書在公府而弗以是廢三官也告命

服生弗敢服死又不以將焉用之乃使以葬季孫

謀去中軍豎牛曰夫子固欲去之誣叔孫以媚季孫

經五年春王正月舍中軍襄十一年始立中軍楚殺其大夫

屈申書各罪之公如晉夏莒牟夷以牟婁及防茲來奔

城陽平昌縣西南有防亭姑幕縣東北有茲亭秋七月公至自晉戊辰叔

孫

弓帥師敗莒師于蚡泉蚡泉魯地秦伯卒無傳不書冬各未同盟

楚子蔡侯陳侯許男頓子沈子徐人越人伐吳

傳五午春王正月舍中軍卑公室也罷中軍季孫稱左師孟氏

稱右師叔孫氏則自以叔孫為軍各毀中軍于施氏成諸臧氏季孫不欲

親其議勅二家會諸大夫發毀置之計又取其令各初作中軍三分公室而

各有其一三家各有一軍家屬季氏盡征之無所入於公叔孫氏

臣其子弟以父兄歸公孟氏取其半焉復以子弟之半歸公及其

舍之也四分公室季氏擇二簡擇取二子各一皆

盡征之而貢于公國人盡屬三家三以書使杜洩

告於殯告叔孫之柩曰子固欲毀中軍既毀之矣故告

杜洩曰夫子唯不欲毀也故盟諸僖闕詛諸五父

之衢皆在襄十一年受其書而投之投擲也帥士而哭之痛

孫之見訟叔仲子謂季孫曰帶受命於子叔孫曰葬鮮

者自西門不以壽終為鮮西門非魯朝正門季孫命杜洩命使從

杜洩曰卿喪自朝魯禮也從生存朝觀之正路吾子為國政

未改禮而又遷之也遷易也羣臣懼死不敢自也自從

既葬而行善杜洩能辟禍仲至自齊聞喪而來季孫欲立之南

遺曰叔孫氏厚則季氏薄彼實家亂子勿與知不

亦可乎南遺使國人助豎牛以攻諸大庫之庭仲

王也魯城內有大庭氏之虛於其上作庫司宮射之中目而死豎牛取

東鄙三十邑以與南遺取叔孫氏邑昭子即位朝其家

衆曰豎牛禍叔孫氏使亂大從使從於亂殺適立庶又

披其邑將以赦罪披析也謂以邑與南遺昭子不知豎牛餓殺其父故但言其見

罪莫大焉必速殺之豎牛懼奔齊孟仲之子殺

諸塞關之外齊魯界上關投其首於寧風之棘上寧風齊地

仲尼曰叔孫昭子之不勞不可能也不立已為功勞據其所

言善之時魯人不下以餓死語昭子周任有言曰為政者不賞私勞

不罰私怨詩云有覺德行四國順之詩大雅覺直也言德行直

則四方順從之初穆子之生也莊叔以周易筮之莊叔穆子父得

也遇明夷離下坤上明夷艮下坤上謙明夷初九變為謙

以示卜楚丘楚丘卜人姓名曰是將行行出而歸為子祀

奉祭祀以讒人入其名曰牛卒以餒死明夷日也離

自夷傷也日之數十用至故有十時亦當十位自

至巳下其二為公其三為卿日中當玉食時當公平日為卿雞鳴為士

夜半為卑人定為與黃昏為隸日入為僚晡時為僕日昃為臺隅中日出闕不在第尊主公曠其位

日上其中日中盛明食日為二位旦日為二位明

夷之謙明而未融其當且乎融明也離在坤下日在地中之象又變為

謙謙道卑退故曰明而未融日明未融故曰其當且乎故曰為子祀莊叔卿

為卿故知日之謙當鳥故曰明夷于飛離為白鳥為

謙日光不足故當鳥明而未融故曰垂其翼鳥飛行故曰于飛

融於鳥象日之動故曰君子于行明夷初九得位

在明傷之世居謙下當三在且故曰三日不食位

之位故將辟難而行離火也艮山也離為火火焚山山

故曰三日不食敗離良合於人為言良為言敗言為讒為離所焚故

曰有攸往主人有言言必讒也離變為艮故言有

主人有言言而純離為牛易離上離下離畜牝世

亂讒勝勝將適離故曰其名曰牛離火山則離勝

山焚則離獨存故知名牛謙不足飛不翔謙道冲

也豈牛非牝牛故不吉垂不峻翼不廣峻高也翼垂下故曰其為子

後乎不遠翔故吾子亞卿也抑少不終且日正卿

父子世為亞卿位不足以屈生為莫敖建子使與令尹子蕩

乃殺之造生以屈生為莫敖建子使與令尹子蕩

如晉逆女過鄭鄭伯勞子蕩于汜勞屈生于菟氏

汜菟氏皆鄭地晉侯送女于邢丘子產相鄭伯會晉侯于

刑丘傳言楚強諸侯畏敬其使公如晉即位而往見自郊勞至于贈

賄往有郊勞去有贈賄無失禮揖讓之禮晉侯謂女叔齊曰魯侯

不亦善於禮乎對曰魯侯焉知禮公曰何為自郊

勞至于贈賄禮無違者何故不知對曰是儀也不

可謂禮禮所以守其國行其政令無失其民者也

今政令在家在大夫不能取也有子家羈弗能用也

羈莊公玄孫懿伯也奸大國之盟陵虐小國謂伐莒取郕利人之

難謂往年莒亂而取郕不知其私不自知有私難公室四分民食於

他他謂三家也魯君與民無異思莫在公不圖其終無為公謀終始者

為國君難將及身不恤其所禮之本末將於此乎

在在恤民與憂國而屑屑焉習儀以誣言以習儀為急言善於禮

不亦遠乎君子謂叔侯於是乎知禮時晉侯亦失政叔齊以此

諷諫晉韓宣子如楚送女叔向為介鄭子皮子太叔

勞諸索氏河南城皋縣東有大索城大叔謂叔向曰楚王汰後

已甚子其戒之叔向曰汰侈已甚身之災也焉能

及人若奉吾幣帛慎吾威儀守之以信行之以禮

敬始而思終終無不復事皆可復行從而不失儀從順也

敬而不失威道之以訓辭奉之以舊法考之以先

王禮成其好度之以二國雖汰後若我

何及楚楚子朝其大夫曰晉吾仇敵也苟得志焉

無恤其他今其來者上卿上大夫也若吾以韓起

為關以羊舌肸為司宮刑足以辱晉吾

亦得志矣可乎大夫莫對遠啓彊曰可苟有其備

何故不可恥匹夫不可以無備況恥國乎是以聖

王務行禮不求恥入朝聘有珪珪以信享頰有璋璋

也頰見也既朝聘而享小有述職諸侯適天大有

巡功天子巡守設機而不倚爵盈而不飲言務宴

有好貨宴飲以貨為好殮有陪鼎熟食為殮陪

入有郊勞賁至逆勞出有贈賄去則贈之禮

之至也國家之敗失之道也則禍亂興失朝聘宴

城濮之役在僖二晉無楚備以敗於邲在宣十二

始於邲之役楚無晉備以敗於邲在成十自邲以

來晉不失備而加之以禮重之以睦君臣是以楚

弗能報而求親焉既獲姻親又欲恥之以召寇讎

備之若何言何以誰其重此言怨若有其人恥之

可也謂有賢人以敵若其未有君亦圖之晉之事

晉則可恥之

君臣曰可矣求諸侯而麋至也麋羣也求昏而薦女薦進

也君親送之上卿及上大夫致之猶欲恥之君其

亦有備矣不然奈何韓起之下趙成中行吳魏舒

范鞅知盈五卿位在韓起之下皆三軍之將羊舌

肸之下祁午張趯籍談女齊梁丙張骼輔躒苗賁

皇皆諸侯之選也言非凡人韓襄為公族大夫韓須受

命而使矣襄韓無忌子也為公族大夫須箕襄邢

帶二人韓氏族叔禽叔椒子羽皆韓起庶子皆大家也韓賦

七邑皆成縣也成縣賦百乘也羊舌四族皆彊家也四族銅鞮

伯華叔向叔魚叔虎兄弟第四人晉人若喪韓起楊肸五卿八大夫

五卿趙成以下八大夫祁午以下輔韓須楊石石叔向子因其十

家九縣韓氏七羊舌氏四而言十家舉大數長轂

九百長轂戎車也縣百乘其餘四十縣遺守四千計遺守四

千奮其武怒以報其大恥伯華謀之伯華叔向中行

伯魏舒帥之伯中其蔑不濟矣君將以親易怨失

姻之實無禮以速寇而未有其備使羣臣往遺之

俞以逞君心何不可之有王曰不穀之過也大夫

無辱謝遠厚為韓子禮王欲敖叔向以其所不知

而不能言叔向之多知亦厚其禮韓起反鄭伯勞諸圍鄭

各辭不教見禮也奉使君命未反故鄭罕虎如齊娶於子

尾氏自為逆也晏子驟見之陳桓子問其故對曰能用

善人民之主也謂授子夏莒牟夷以牟婁及防茲

來奔牟夷非卿而書尊地也尊重也重地故書以名其人終為不義

莒人愬于晉愬魯受晉侯欲止公范獻子曰不可

人朝而執之誘也討不以師而誘以成之惰也為

盟主而犯此二者無乃不可乎請歸之間而以師

討焉間暇也乃歸公秋七月公至自晉莒人來討討受

夷不設備戊辰叔弓敗諸蚡泉莒未陳也嫌君臣異故重

冬十月楚子以諸侯及東夷伐吳以報棘櫟麻

之役四年在遠射以繁揚之師會於夏汭會楚越大

夫常壽過帥師會楚子于瑣瑣楚地聞吳師出遠啓

疆帥師從之從吳師也遠不設備吳人敗諸鵠岸蘆江舒縣

有鵠尾渚楚子以駟至於羅汭駟傳也羅水名吳子使其弟蹇

由犒師犒楚人執之將以釁鼓王使問焉曰女上

來吉乎對曰吉寡君聞君將治兵於敝邑上之以

守龜曰余亟使人犒師請行以觀王怒之疾徐而

為之備尚克知之龜兆告吉曰克可知也

君若驩焉好逆使臣滋敝邑休息而忘其死

亡無日矣今君奮焉震電馮怒虐執使臣將

以釁鼓則吳知所備矣敝邑雖羸若早脩完其可以息師

是卜豈為一人使臣獲釁軍鼓而敝邑知備以禦

不虞其為吉孰大焉國之守龜其何事不卜一滅一否其誰能常之城濮之兆其報在邲

乃弗殺乃在邲

楚師濟於羅汭沈尹赤會楚子次於萊山遠射帥

繁揚之師先入南懷楚師從之及汝清皆楚界

吳不可入備楚子遂觀兵於坻箕之山觀示是行

也吳早設備楚無功而還以蹶由歸楚子懼吳使

沈尹射待命于巢遠啓彊待命于雩婁禮也備

秦后子復歸於秦元年景公卒故也終五稔

六年春王正月杞伯益姑卒再同葬秦景公夏

季孫宿如晉葬杞文公無宋華合比出奔衛合比

秋九月大雩楚遠罷帥師伐吳冬

不以道自取奔

亡書名罪之

左傳卷之二十一

左傳卷之二十一

左傳卷之二十一

叔弓如楚齊侯伐北燕

傳六年春王正月紀文公卒弔如同盟禮也魯怨

晉取其馬而令不廢喪紀故禮之大夫如秦葬景公禮也合先王

夫送葬之禮三月鄭人鑄刑書鑄刑書於鼎以叔向使

詒子產書詒遺也曰始吾有虞於子虞度也言準度

今則已矣也止昔先王議事以制不為刑辟懼民

之有爭心也臨事制刑不豫設法也猶不可禁禦

是故閑之以義閑防也糾之以政糾舉也行之以禮守

之以信奉之以仁奉養也制為祿位以勸其從勸從也

嚴斷刑罰以威其淫淫放也懼其未也故誨之以忠

聳之以行聳懼也教之以務時所急使之以和說以臨

之以敬敬施之於事為斷之以剛義斷也猶求聖

哲之上明察之官上公王也官卿大夫也忠信之長慈惠之

師民於是乎可任使也而不生禍亂民知有辟則

不忌於上權移於法故民不畏上竝有爭心以徵於書而微

幸以成之因危文以生爭緣微幸以成其巧偽弗可為矣為治也夏有

亂政而作禹刑商有亂政而作湯刑夏商之亂著禹湯之法言

不能議周有亂政而作九刑周之衰亦為刑三辟

事以制

之興皆叔世也。言刑書不起於始盛之世。今吾子相鄭國作封

洫。在襄三十年。立謗政。作丘賦。制參辟鑄刑書。制參辟謂用三

代之將以靖民不亦難乎。詩曰：儀式刑文王之德。

日靖四方。詩頌言文王以德為儀式故能日靖四方之功刑法也。又曰：儀

刑文王萬邦作孚。詩大雅言文王作儀法為天下所信孚信也。如是何

辟之有。言詩唯以德與信不以刑也。民知爭端矣。將棄禮而徵

於書。以刑書為徵。錐刀之末將盡爭之。錐刀未喻小事。亂獄滋

豐。賄賂竝行。終子之世。鄭其敗乎。肝聞之。國將亡

必多制。數改法。其此之謂乎。復書曰：若吾子之言。復報

也。僑不才不能及子孫。吾以救世也。既不承命敢

忘大惠。以見箴戒為惠。士文伯曰：火見鄭其火乎。火心星周五月

昏。火未出而作火以鑄刑器。刑器鼎也。藏爭辟焉。火如

象之不火何為。象類也。同氣相求。火未出而用火相感而致災。夏季孫宿

如晉拜莒田也。謝前年受年夷邑不見見詩。晉侯享之。有加邊。邊豆

之數多。於常禮。武子退使行人告曰：小國之事大國也。苟

免於討不敢求貺。貺賜也。得貺不過三獻。周禮大夫三獻。今

豆有加。下臣弗堪。無乃戾也。懼以不。韓宣子曰：寡

君以為驩也。以加禮致驩心。對曰：寡君猶未敢。未敢當此加也。況

下臣君之隸也敢聞加貶固請徹加而後卒事晉

人以為知禮重其好貨之貨好貨宋寺人柳有寵有寵於平

太子佐惡之華合比曰我殺之欲以求媚太子柳聞之

乃坎用牲埋書詐為盟處而告公曰合比將納亡人之

族亡人華臣也襄十七年奔衛既盟于北郭矣公使視之有焉

遂逐華合比合比奔衛於是華亥欲代右師亥合比

乃與寺人柳比從為之徵曰聞之久矣欲得合比處

公使代之代合比為右師見於左師左師向戌左師曰

女夫也必亡夫謂華亥女喪而宗室於人何有人亦於

女何有言人亦不詩曰宗子維城毋俾城壞毋獨

斯畏詩大雅言宗子之固若城俾使也女其畏哉為二十年華亥出奔傳六

月丙戌鄭災終士文伯之言楚公子棄疾如晉報韓子也

報前年送女過鄭鄭罕虎公孫僑游吉從鄭伯以勞諸

柢辭不敢見不敢當國君之勞柢鄭地固請見之見如見王見王鄭

伯如見楚王言以其乘馬八匹私面私見鄭伯見子皮

如上卿楚卿以馬六匹見子產以馬四匹見子大

叔以馬二匹降殺以兩禁芻牧採樵不入田不犯田種不樵

樹不采藝藝種也不抽屋不強侮誓曰有犯命者君

子廢小人降君子則廢黜不得居位舍不為暴主

不恩賔也恩患往來如是鄭三卿皆知其將為王也

疾及晉竟晉侯將亦弗逆三卿罕虎公孫僑游吉叔向曰楚辟我衷辟邪也衷公子棄

也若何效辟詩曰爾之教矣民胥效矣詩小雅言上教下效

從我而已焉用效人之辟書曰聖作則逸書則無法也

寧以善人為則無寧也而則人之辟乎匹夫為善民

猶則之況國君乎晉侯說乃逆之傳言叔向知禮秋九月

大雩旱也徐儀楚聘于楚儀楚徐大夫楚子執之逃歸

懼其叛也使遠洩伐徐遠洩楚大夫吳人救之令尹子

蕩帥師伐吳師于豫章而次于乾谿乾谿在譙國城父縣南楚東

吳人敗其師於房鍾房鍾吳地獲宮廡尹棄疾關章

父子蕩歸罪於遠洩而殺之歸罪於遠洩不書冬叔

弓如楚聘且弔敗也弔為吳所敗十一月齊侯如晉請

伐北燕也告盟士匈相士鞅逆諸河禮也士匈晉大夫相

納簡公簡公北燕伯三年出奔齊晏子曰不入燕有君矣民不

貳吾君賄左右諂諛作大事不以信未嘗可也為明

為介得敬逆來者之禮晉侯許之十二月齊侯遂伐北燕將

貳吾君賄左右諂諛作大事不以信未嘗可也為明

貳吾君賄左右諂諛作大事不以信未嘗可也為明

貳吾君賄左右諂諛作大事不以信未嘗可也為明

貳吾君賄左右諂諛作大事不以信未嘗可也為明

年暨齊
平傳

七年春王正月暨齊平暨與也燕與齊平前年冬齊伐燕間無異事故

不重言燕從可知三月公如楚叔孫婼如齊齊將遠適

楚故叔孫如齊尋舊好夏四月甲辰朔日有食之秋八月戊

辰衛侯惡卒元年大夫盟于鏡九月公至自楚冬十有一

月癸未季孫宿卒十有二月癸亥葬衛襄公

傳七年春王正月暨齊平齊求之也齊伐燕燕人賂之反從求

平如晏子言癸巳齊侯次于鏡鏡燕燕人行成曰敝邑

知罪敢不聽命先君之敝器請以謝罪敝器瑤璽玉櫝之屬

公孫哲曰受服而退侯釁而動可也哲齊大夫二月戊

午盟于濡上濡水出高陽縣東北至河間鄭縣入易水燕人歸燕姬嫁

與齊侯賂以瑤璽玉櫝瑤玉也櫝匱也芋尹

楚子之為令尹也為王旌以田析羽為旌王旌游至於軫芋尹

無宇斷之曰一國兩君其誰堪之及即位為章

之宮納亡人以實之章華南郡華容縣無宇之聞入焉有罪

亡入章華宮無宇執之有司弗與王有司也曰執人於王宮

其罪大矣執而謁諸王執無宇也王將飲酒遇其歡也無宇

辭曰天子經畧經管天下畧有四海故曰經畧諸侯正封封疆有定分

古之制也封畧之內何非君土食土之毛誰非君

臣也毛草故詩曰普天之下莫非王土率土之濱莫

非王臣詩小雅濱涯也天有十日甲至人有十等王至下

所以事上上所以共神也故王臣公公臣大夫大

夫臣士士臣阜阜臣與與臣隸隸臣僚僚臣僕僕

臣臺馬有圉牛有牧養馬曰圉養牛曰牧以待百事今有司

曰女胡執人於王宮將焉執之周文王之法曰有

亡荒閱荒大也閱蒐也所以得天下也吾先君

文王楚文作僕區之法僕區刑書名曰盜所隱器隱盜所得

器與盜同罪所以封汝也行善法故能啓疆北至汝水若從有

司是無所執逃臣也逃而舍之是無陪臺也言此皆將逃

王事無乃闕乎昔武王數紂之罪以告諸侯曰紂

為天下逋逃主萃淵藪萃集也天下逋逃悉以故紂為淵藪集而歸之

夫致死焉人欲致死討紂君王始求諸侯而則紂無乃不

可乎若以二文之法取之盜有所在矣言王亦為盜王

曰取而臣以往往去也盜有寵未可得也盜有寵王自謂為葬

靈王張本遂赦之赦無楚子成章華之臺願與諸侯落

之官室始成祭之為落大宰遠啓疆曰臣能得魯

侯遠啓疆來召公辭曰昔先君成公命我先大夫

嬰齊曰吾不忘先君之好將使衡父照臨楚國鎮

撫其社稷以輯寧爾民嬰齊受命于蜀蜀盟在成

公奉承以來弗敢失墮而致諸宗祧言奉成公此語以告宗廟

曰我先君共王引領北望日月以冀冀魯朝傳序相

授於今四王矣四王共康郊嘉惠未至唯襄公之

辱臨我喪襄公二十八年孤與其二三臣悼心失

圖在哀社稷之不皇況能懷思君德皇暇也言有大喪多不暇

今君若步玉趾辱見寡君也寵靈楚國以信蜀

之從致君之嘉惠是寡君既受既矣何蜀之敢望

言但欲使君來不敢其先君鬼神實嘉賴之豈唯

寡君君若不來使臣請問行期問魯見寡君將承

質幣而見于蜀以請先君之貺講問公將往夢襄

公祖祖祭梓慎曰君不果行襄公之適楚也夢周

公祖而行今襄公實祖君其不行子服惠伯曰行

先君未嘗適楚故周公祖以道之襄公適楚矣而

祖以道君不行何之三月公如楚鄭伯勞于師之

梁鄭城孟僖子為介不能相儀僖子仲及楚不能

荅郊勞能為下僖子病不夏四月甲辰朔日有食之

晉侯問於士文伯曰誰將當日食對曰魯衛惡之

受其凶惡衛大魯小公曰何故對曰去衛地如魯地

豕韋也魯地降婁也日食於豕韋之末及降婁之始乃息故禍在衛大在魯小周四月今二月故曰

在降婁於是日魯實受之災發於衛而其餘禍其大咎其

衛君乎魯將上卿八月衛侯卒十月季孫宿卒公曰詩所謂彼

日而食于何不臧者何也感日食而問詩對曰不善政之

謂也國無政不用善則自取謫于日月之災謫譴也

故政不可不慎也務三而已一曰擇人擇賢二曰

因民因民所利三日從時順四時之所務晉人來治杞田

前女叔侯不盡歸今公適杞季孫將以成與之成孟

本杞謝息為孟孫守不可謝息僖子家臣曰人有言曰雖

有挈餅之知守不假器禮也挈餅及者喻小知為

夫子從君而守臣喪邑夫子謂孟僖雖吾子亦

有猜焉言季孫亦將季孫曰君之在楚於晉罪也

言晉罪君又不聽晉魯罪重矣晉師必至吾無以

待之不如與之間晉而取諸杞候晉閒隙可吾與

子桃魯國卞縣東成反誰敢有之是得二成也魯

無憂而孟孫益邑子何病焉辭以無山與之萊柞

萊柞二山乃遷于桃謝息也晉人為杞取成不書非也楚子

享公于新臺章華臺也使長鬣者相鬣鬣也欲先奪魯侯好以大

屈宴好之賜大屈也既而悔之遠啓疆聞之見公公語之

拜賀公曰何賀對曰齊與晉越欲此久矣寡君無

適與也而傳諸君君其備禦言齊晉越將伐魯而取之慎

守寶矣敢不賀乎公懼乃反之傳言楚靈不終鄭子

產聘于晉晉侯有疾韓宣子逆客私焉私語曰寡君

寢疾於今三月矣竝走羣望晉所望祀山川皆走往祈禱有加

而無瘳今夢黃熊入於寢門其何厲鬼也對曰以

君之明子為大政其何厲之有昔堯殛鯀于羽山

羽山在東海視其縣西南其神化為黃熊以入于羽淵實為夏

郊三代祀之鯀禹父夏家郊祭之歷殷周二晉為

盟主其或者未之祀也乎言周衰晉為盟主得佐天子祀羣神韓子

祀夏郊祀晉侯有間也賜子產莒之二方鼎方鼎

莒所子產為豐施歸州田於韓宣子豐施鄭公孫段之子三年

晉以州賜段曰日君以夫公孫段為能任其事而賜之

州田今無祿早世不獲久享君德其子弗敢有不

敢以聞於君，私致諸子。此年正月宣子辭，子產曰：

古人有言曰：其父析薪，其子弗克負荷。荷，擔也。以微薄驗貴。

重施將懼，不能任其先人之祿。其況能任大國之

賜。縱吾子為政，而可後之人若屬，有疆場之言，敝

邑獲戾。恐後代宣子者將以鄭取晉邑罪鄭。而豐氏受其大討，吾子

取州，是免敝邑於戾，而建置豐氏也。敢以為請。傳

子產貞而不諛。宣子受之，以告晉侯。晉侯以與宣子，宣子

為初言病有之。初言謂與趙文子爭州田。以易原縣於樂大心

樂大心，宋大夫，原。鄭人相驚，以伯有曰：伯有至矣。

則皆走，不知所往。襄三十年，鄭殺伯有，言其鬼至。鑄刑書之歲，

月。在前年。或夢伯有介而行也。介，甲也。曰：壬子，余將殺帶

也。駟帶助子皙殺伯有。明年壬寅，余又將殺段也。

公孫段，豐氏黨。壬寅，此年正月二十八日。及壬子，駟帶卒，國人益懼。齊

燕平之月，此年正月。壬寅，公孫段卒，國人愈懼。其明月

子產立，公孫洩及良止以撫之，乃止。公孫洩，子孔之子也。襄十

九年，鄭殺子孔。良止，伯有之子。子大叔問其故。子產也。立以為大夫，使有宗廟。

曰：鬼有所歸，乃不為厲。吾為之歸也。大叔曰：公孫

洩何為？子孔不為厲，問何為復立洩。子產曰：說也。為身無義而

圖說伯有無義以妖鬼故立之恐惑民并立洩使若自以大義存誅絕之後者以解說民心

從政有所反之以取媚也民不可使知之故治政或當反道以求媚於民

不信不信民不從也及子產適晉趙

景子問焉景子晉中軍佐趙成曰伯有猶能為鬼乎子產曰

能人生始化曰魄魄形也既生魄陽曰魂陽神也用物

精多則魂魄強物權也是以有精爽至於神明爽明也

匹夫匹婦強死其魂魄猶能馮依於人以為淫厲

強死不病也人謂匹夫匹婦賤身况良霄我先君穆公之胄子良

之孫子耳之子故邑之卿從政三世矣鄭雖無腆

腆厚也抑諺曰蕞爾國蕞小貌而三世執其政柄其用

物也弘矣其取精也多矣其族又大所馮厚矣良霄

魂魄所馮者貴重而強死能為鬼不亦宜乎傳言子產之博敏子

皮之族飲酒無度相尚以奢相困以酒故馬師氏與子皮氏

有惡馬師氏公孫鉏之子罕朔也襄三十年馬師鉏出奔公孫鉏代之為馬師與子皮俱同一族

齊師還自燕之月在此年罕朔殺罕魎魎子皮弟罕

朔奔晉韓宣子問其位於子產問朔可使子產曰

君之羈臣苟得容以逃死何位之敢擇卿違從大

夫之位謂以禮去者降位一等罪人以其罪降罪重則降多古之

制也。朔於敝邑。亞大夫也。其官馬師也。大夫位馬師職獲

戾而逃。唯執政所實之。得免其死。為惠大矣。又敢

求位。宣子為子產之敏也。使從嬖大夫。為子產故使降一等

不以秋八月。衛襄公卒。晉大夫言於范獻子曰。衛

事晉為睦。睦和也晉不禮焉。庇其賊人而取其地。賊人

孫林父其地戚也故諸侯貳。詩曰。鷓鴣在原。兄弟急難。詩小

雅鴨鳴。離渠也。飛則鳴。行則搖。又曰。死喪之威。兄

喻兄弟相救於急難。不可自舍。弟孔懷。威畏也。言有死喪。則兄弟宜相懷思。兄弟之不睦。於是乎不

弔。弔不相恤。况遠人。誰敢歸之。今又不禮於衛之嗣。嗣新

也君衛必叛我。是絕諸侯也。獻子以告韓宣子。宣子

說。使獻子如衛弔。且反戚田。傳言戚田。所由還衛。衛齊惡告

喪于周。且請命。王使成簡公如衛弔。簡公王卿士也。且追

命襄公曰。叔父陟恪。在我先王之左右。以佐事上

帝。陟登也。俗敬也。帝天也。叔父謂襄公。命如今之哀策。余敢忘高圉亞圉。二

周之先也。為敗諸侯亦受殷上追命者。九月。公至自楚。孟僖子病。不

能相禮。不能相儀。答郊勞以此為已病。乃講學之。講習也。苟能禮者

從之。及其將死也。二十四年孟僖子卒。傳終言之。召其大夫。僖子屬大

夫曰。禮人之幹也。無禮無以立。吾聞將有達者。曰

孔丘信子卒時聖人之後也聖人股湯而滅於宋子

六代祖孔父嘉為宋其祖弗父何以有宋而授厲

弗父何孔父嘉之高祖宋閔公之子及正考父

弗父何佐戴武宣三人皆三命茲益共三命上卿也言位高

益故其鼎銘云考父廟一命而僂再命而僂三命

而俯俯共於僂循牆而走言不敢亦莫余敢侮其

如是人亦儺於是是以餽余口於是鼎中為

屬言其共也如是臧孫紇有言仲也曰聖人有明

德者若不當世其後必有達人聖人之後有明德而不當大位謂正

考今其將狂孔丘乎我若獲沒得必必屬說與何

思於夫子使事之說南宮敬叔何思孟而學禮焉

以定其位知禮則故孟懿子與南宮敬叔師事仲

尼仲尼曰能補過者君子也詩曰君子是則是效

詩小孟僖子可則效已矣單獻公棄親用羈獻公

七單靖公之不填冬十月辛酉襄頃之族殺獻公

而立成公襄公頃公之父十一月季武子卒晉侯

謂伯瑕伯瑕士曰吾所問日食從矣可常乎衛侯

皆卒對曰不可六物不同各異民心不壹政教事

左傳卷三十一

序不類有變官職不則治官居職同始異終胡可

常也詩曰或燕燕居息或惓惓事國詩小雅其

異終也如是公曰何謂六物對曰歲時日月星辰

是謂也公曰多語寡人辰而莫同何謂辰對曰日

月之會是謂辰歲日月十二故以配日謂以子

心衛襄公夫人姜氏無子姜氏嬖人媯始生子孟縶

孔成子夢康叔謂已立元成子衛卿孔達之孫孟縶

未余使羈之孫圉與史苟相之羈孟縶余夢時元史朝亦

夢康叔謂已余將命而子苟與孔烝鉏之曾孫圉

相元史朝見成子告之夢夢協協合晉韓宣子為

政聘于諸侯之歲在二媯始生子名之曰元孟縶

之足不良弱行也跛孔成子以周易筮之曰元尚享

衛國主其社稷令著遇屯震下坎又曰余尚

立縶尚克嘉之嘉善遇屯坤下坎之比坤下坎

初九以示史朝史朝曰元亨又何疑焉周易曰成

子曰非長之謂乎言屯之元亨謂對曰康叔名之

可謂長矣善之孟非人也將不列於宗不可謂長

足跛非全人不且其繇曰利建侯繇卦嗣吉何建

建非嗣也嗣子有常位故無所下又無所建今以位不定卜嗣得吉則當從吉而建之也

二卦皆云謂再得屯卦皆子其建之康叔命之二

卦告之筮襲於夢武王所用也弗從何為外傳云大誓曰

朕夢協朕卜襲於休禎弱足者居跛則偏弱居侯其家不能行

主社稷臨祭祀奉民人事鬼神從會朝又焉得居

各以所利不亦可乎孟跛利居元吉利建故孔成子立靈公

十二月癸亥葬衛襄公靈公元也

春秋左傳卷二十一

春秋左傳卷二十一 昭公盡十二年

八年春陳侯之弟招殺陳世子偃師以首惡從殺例故稱

弟又稱夏四月辛丑陳侯溺卒襄二十七年大夫盟于宋叔弓

如晉楚人執陳行人于徵師殺之稱行人明陳公

子畱出奔鄭留為招所立未秋蒐于紅革車千乘

經文闕也紅魯地沛國陳人殺其大夫公子過與

其殺偃師大雩無傳不旱而冬十月壬午楚師滅

陳不稱將帥不以告執陳公子招放之于越無傳

公子兄殺陳孔奭無傳招之葬陳哀公陳人袁克

已卒葬陳哀公葬之魯往

會故

八年春石言于晉魏榆魏榆晉地晉侯問於師曠曰

石何故言對曰石不能言或馮焉謂有精神焉不

然民聽濫也濫失也抑臣又聞之抑疑曰作事不時

怨讟動于民則有非言之物而言今宮室崇侈民

力彫盡彫傷也怨讟並作莫保其性性命也民不敢

石言不亦宜乎於是晉侯方築虎祁之宮虎祁地名在絳

西四十里臨汾水叔向曰子野之言君子哉子野師曠字君子

之言信而有徵故怨遠於其身怨咎遠其身也小人之言

僭而無徵故怨咎及之詩曰哀哉不能言匪舌是

出唯躬是瘁詩小雅也不能言謂不知言理以僭

無信自取瘁病故哀之苟矣能言巧言如流俾躬處休其是

之謂乎苟嘉也巧言如流謂非正言而順敘以聽

逸師曠此言緣問流轉終歸于諫故以此巧言如

是宮也成諸侯必叛君必有咎夫子知之矣為十

侯彪陳哀公元妃鄭姬生悼大子偃師元妃嫡二

妃生公子畱下妃生公子勝二妃嬖留有寵屬諸

司徒招與公子過招及過皆哀公弟也哀公有廢疾二月甲

申公子招公子過殺悼天子偃師而立公子留夏

四月辛亥哀公縊憂患自殺經于徵師赴于楚徵

師陳大夫且告有立君公子勝愬之于楚以招過殺偃

楚人執而殺之徵師公子留奔鄭書曰陳侯之弟

招殺陳世子偃師罪在招也楚人執陳行人于徵

師殺之罪不在行人也疑為招赴楚當叔弓如晉

賀虎祁也賀宮游吉相鄭伯以如晉亦賀虎祁也

史趙見子大叔曰甚哉其相蒙也蒙欺可弔也而

又賀之子大叔曰若何弔也其非唯我賀將天下

實賀言諸侯畏秋大蒐于紅自根牟至于商衛革

車千乘大蒐數軍實簡車馬也根牟魯東界琅邪

言千乘明大蒐且見魯衆之大數也七月甲戌齊子尾卒子旗欲治

其室子旗樂施也欲并治子尾之家丁丑殺梁嬰梁嬰子八月

庚戌逐子成子工子車成頃公子子固也子工成之

弟鑄也子車頃公之孫捷也皆來奔不書而立子良氏之宰子

子尾之子高彊也子旗為子良立宰其臣曰孺子長矣孺子謂而相

吾室欲兼我也兼并授甲將攻之陳桓子善於子

尾亦授甲將助之或告子旗子旗不信則數人告

將往又數人告於道遂如陳氏桓子將出矣聞之

而還聞子旗至游服而逆之去戎備著常服請命問桓子所至

對曰聞彊氏授甲將攻子子聞諸曰弗聞子盍亦

授甲無字請從無字桓子名子旗曰子胡然彼孺子也

吾諷之猶懼其不濟吾又寵秩之謂為之其若先

人何子盍謂之謂之使無攻我周書曰惠不惠茂不茂周書

康誥也言當施惠於不惠者勸勉於不勉者茂勉也康叔所以服弘大也行服

也桓子稽顙曰頃靈福子頃公靈公樂氏所事之君吾猶有望

惠及子旗遂和之如初和樂高家陳公子招歸罪於公

子過而殺之言招所以不九月楚公子棄疾帥師

奉孫吳圍陳孫吳悼大子偃師之子惠公宋戴惡會之戴惡宋大夫

冬十一月壬午滅陳壬午十月十八日輿嬖袁克

殺馬毀玉以葬輿衆也表克嬖人之貴楚人將殺

之請寘之置馬既又請私私盡君私於幄加絰於

額而逃幄帳也逃不使穿封戌為陳公戌楚大夫

使戌為曰城麋之役不諱城麋役在襄二十六年侍

飲酒於王王曰城麋之役女知寡人之及此女其

辟寡人乎及此謂對曰若知君之及此臣必致死

禮以息楚息寧晉侯問於史趙曰陳其遂亡乎對

曰未也公曰何故對曰陳顓頊之族也陳祖舜舜

歲在鶉火是以卒滅陳將如之顓頊氏以歲在鶉

火而滅火盛而水減今在析木之津猶將復由箕斗之間有天漢故

也且陳氏得政於齊而後陳卒亡物莫能自幕至

于瞽瞍無違命幕舜之先瞽瞍舜父從幕至舜重

之以明德寘德於遂遂舜後蓋股之與存舜之後

遂世守之及胡公不淫故周賜之姓使祀虞帝胡

滿遂之後也事周武王賜臣聞盛德必百世祀虞

之世數未也繼守將在齊其兆既存矣言陳氏與

兆已九年春叔弓會楚子于陳以事往非許遷于夷

許畏鄭欲遷故夏四月陳災天火曰災陳既已滅

者猶晉之梁山沙鹿崩不書晉災秋仲孫矍如齊

害繫於所災所害故以所在為各冬築郎囿

傳九年春叔弓宋華亥鄭游吉衛趙厲會楚子于

陳楚子在陳故四國大夫往非盟二月庚申楚公

子棄疾遷許于夷實城父此時改城父為夷故傳

實之城父縣屬譙郡

五

取州來淮北之田以益之益許伍舉授許男田然

丹遷城父人於陳以夷濮西田益之以夷田在濮水西者與城

父遷方城外人於許成十五年許遷於葉因謂之許今許遷於夷故以方城外

人實其處傳言周甘人與晉閻嘉爭閻田甘人其

靈王使氏不安也閻嘉晉閻縣大夫晉梁丙張逢率陰戎伐潁陰戎陸渾之戎潁周邑

王使詹桓伯辭於晉辭責讓之桓伯曰我自夏以后

稷魏駘芮岐畢吾西土也在夏世以后稷功受此五國為西土之長駘在

岐始平武功縣所治釐城在扶風美陽縣西北及武王克商蒲姑商奄吾

東土也樂安博昌縣北有蒲姑城巴濮楚鄧吾南土也肅慎燕

亳吾北土也肅慎北夷在玄菟北三千餘里吾何邇封之有邇近也

文武成康之建母弟以蕃屏周亦其廢隊是為為後

豈如弁髦而因以敵之童子垂髦始冠必

先王居檮杌于四裔加冠成禮而棄其始冠故言弁髦因以敵之弁亦冠也

故允姓之姦言檮杌略舉四凶之一下

伯父惠公歸

自秦而誘以來僖十五年晉惠公自秦歸二十二年秦晉遷陸渾之戎於伊川使

偏我諸姬入我郊甸則戎焉取之邑外為郊郊外為甸言戎取周

後稷封殖天下今

之郊甸戎有中國誰之咎也晉咎在

說

戎制之不亦難乎后稷修封疆殖五穀伯父圖之

我在伯父猶衣服之有冠冕木水之有本原民人

之有謀主也民人謀主宗族之師長伯父若裂冠毀冕投本

塞原專棄謀主雖戎狄其何有余一人伯父猶然則雖戎狄

無所可責晉率陰戎伐周邑故云然叔向謂宣子曰文之伯也豈能

收物言文公雖霸未能改正朔易服色也翼戴天子而加之以共翼佐

也自文以來世有衰德而暴滅宗周宗周天子以宣示

其侈諸侯之貳不亦宜乎且王辭直子其圖之宣

子說王有姻喪外親之喪使趙成如周弔且致閭田與

從送死衣反賴俘王亦使賓滑執甘大夫襄以說於

晉晉人禮而歸之賓滑周大夫夏四月陳災鄭裨竈曰

五年陳將復封封五十二年而遂亡子產問其故

對曰陳水屬也陳顓頊之後故為水屬火水妃也火畏水故為之妃

而楚所相也相治也楚之先祝融為高辛氏火正主治火事今火出而火

陳火心星也火出於周為五月而以四月出者以長歷推前年誤置閏逐楚而建陳

也水得妃而興陳興則楚衰故曰逐楚而建陳妃以五成故曰五年合

也五行各相妃合得五而成故五歲而歲五及鷄

火而後陳卒亡楚克有之天之道也故曰五十二

年四歲歲在星紀五歲及大梁而豫復封自大梁

五十二年天數以五為紀紀晉荀盈如齊逆女自為

還六月卒于戲陽魏郡內黃縣殯于絳未葬晉侯

飲酒樂膳宰屠蒯趨入請佐公使尊公之使人執

之許之公許而遂酌以飲工樂師曰女為君耳師曠也

將司聽也樂所以辰在子卯謂之疾日疾惡也紂

桀以乙卯亡故君徹宴樂學人舍業為疾故也君

之卿佐是謂股肱股肱或虧何痛如之言痛疾過

女弗聞而樂是不聽也不聞是義又飲外嬖嬖叔

而作樂

外都大夫曰女為君目將司明也職在外服以旌

禮也禮表禮以行事專政事有其物物類物有其容

容貌今君之容非其物也有卿佐之喪而作樂而

女不見是不明也亦自飲也口味以行氣氣以實

志氣和則志以定言在心為志言以出令臣實司

味二御失官而君弗命臣之罪也工與嬖叔侍御

公說徹酒初公欲廢知氏而立其外嬖為是悛

而止秋八月使荀躒佐下軍以說焉躒荀盈之子

下軍代父也孟僖子如齊殷聘禮也自叔老聘齊

說肩解說

至今二十一年

禮意久曠今脩盛聘以無忘舊好故曰禮冬築郎圃書時也季平子欲

其速成也叔孫昭子曰詩曰經始勿亟庶民子來

詩大雅言文王始經營靈臺非急焉用速成其以疾之衆民自以子義來勸樂為之

勦民也勦勞也無囿猶可無民其可乎上平

經十年春王正月夏齊樂施來奔者酒好內以取敗二故書各

秋七月季孫意如叔弓仲孫纁帥師伐莒二大夫皆卿故

書之季孫為主二子從之戊子晉侯彪卒五同九月叔孫婁如

晉葬晉平公三月而葬速十有二月甲子宋公成卒十

同盟也無冬史闕文

傳十年春王正月有星出于婺女客星也鄭裨

寵言於子產曰七月戊子晉君將死今茲歲在顛

頊之虛歲歲星也顛頊之虛謂玄枵姜氏任氏實守其地姜齊

薛姓齊薛二國守玄枵之地居其維晉而有妖星焉告邑姜也

客星居玄枵之維首邑姜齊大公女晉唐叔之母

星占婺女為既嫁之女織女為處女邑姜齊之既

嫁女妖星在婺女齊得歲故知禍歸邑姜邑姜晉之妣也天以七紀

八宿戊子逢公以登星斯於是乎出逢公殷諸侯居齊地者逢

公將死妖星出婺女時非歲星所在故齊自當禍而以戊子日卒吾是以譏之為

侯彪齊惠樂高氏皆耆酒樂高一族皆出惠信內多怨說婦

也

人看故彊於陳鮑氏而惡之惡陳憂有告陳桓子

曰子旗子良將攻陳鮑亦告鮑氏桓子授甲而如

鮑氏遭子良醉而騁欲及子良醉故遂見文子文子

鮑則亦授甲矣使視二子二子子旗子良則皆將飲酒桓

子曰彼雖不信彼傳聞我授甲則必逐我及其飲

酒也先伐諸陳鮑方睦遂伐樂高氏子良曰先得

公陳鮑焉往欲以公遂伐虎門欲入公不聽晏平

仲端委立于虎門之外朝服四族召之無所往四族

樂高樂高其徒曰助陳鮑乎曰何善焉言無善義可助助樂高

乎曰庸命乎罪惡不羞然則歸乎曰君伐焉歸公

召之而後入公卜使王黑以靈姑鉞率吉請斷三

尺焉而用之王黑齊大夫靈姑鉞公旗五月庚辰

戰于稷稷祀后樂高敗又敗諸莊莊六軌國人追

之又敗諸鹿門鹿門齊樂施高彊來奔高彊不陳

鮑分其室晏子謂桓子必致諸公讓德之主也讓

之謂懿德凡有血氣皆有爭心故利不可強不可

思義為愈義利之本也蓋利生孽蓋畜也孽姑使

無蓋乎可以滋長桓子盡致諸公而請老于莒莒

桓子召子山子山子商子周襄二十一年子尾所逐羣公子私具幄幕

器用從者之衣履私具不告公而反棘焉棘子山故邑齊國西安縣

東有戟子商亦如之而反其邑子周亦如之而與

之夫子子周本無邑故更與之濟反子城子公公

孫捷子旗所逐而皆益其祿凡公子公孫之無祿

者私分之邑桓子以已邑分之國之貧約孤寡者私與之

粟曰詩云陳錫載周能施也詩大雅言文王能布陳大利以賜天下

之周桓公是以霸齊桓公亦能施以致霸公與桓子莒之旁

邑辭讓不受穆孟姬為之請高唐陳氏始大穆孟姬景公母

傳言陳氏所以與秋七月平子伐莒取鄭鄭莒邑取鄭不書公見討於平

丘魯獻俘始用人於亳社殷社以人祭臧武仲在齊聞

之曰周公其不饗魯祭乎周公饗義魯無義詩曰

德音孔昭視民不佻詩小雅佻偷也言明德君子必愛民佻之謂甚

矣而壹用之將誰福哉壹同也同人於畜牲戊子晉平公卒

如禘寵鄭伯如晉及河晉人辭之游吉遂如晉禮

侯不相九月叔孫婣齊國弱宋華定衛北宮喜鄭

罕虎許人曹人莒人邾人滕人薛人杞人小邾人

如晉葬平公也經不書諸侯大夫者非盟會鄭子皮將以幣行

見新君之費子產曰喪焉用幣用幣必百兩載幣用車百乘百

兩必千人千人至將不行也行用也不行必盡用之得

見新君將自費用盡幾千人而國不亡言千人之費不可數子皮固請

以行既葬諸侯之大夫欲因見新君叔孫昭子曰

非禮也弗聽叔向辭之曰大夫之事畢矣送葬而禮畢

又命孤孤斬焉在衰經之中既葬未卒哭故猶服斬衰其以嘉

服見則喪禮未畢其以喪服見是重受弔也大夫

將若之何皆無辭以見子皮盡用其幣歸謂子羽

曰非知之實難將在行之言不患不知患不能行夫子知之

矣我則不足言已由子產之戒既知其不可而遂行之是我之不足書曰欲

敗度縱敗禮書逸我之謂矣夫子知度與禮矣我實

縱欲而不能自克也欲因喪以慶新君故縱而行之不能自勝昭子至

自晉大夫皆見高彊見而退高彊子良昭子語諸大夫

曰為人子不可不慎也哉昔慶封亡子尾多受邑

而稍致諸君君以為忠而甚寵之將死疾于公宮

在公宮被疾輦而歸君親推之推其車而送之其子不能任是

以在此忠為令德其子弗能任罪猶及之難不慎

也喪夫人之力棄德曠宗以及其身不亦害乎夫

謂子尾也詩曰不自我先不自我後其是之謂乎詩小

雅言禍亂不在他正當已冬十二月宋平公卒初

元公惡寺人柳欲殺之元公平公及喪柳熾炭于

位以溫將至則去之使其公坐比葬又有寵言元公好惡無

常

經十有一年春王二月叔弓如宋葬宋平公夏四

月丁巳楚子虔誘蔡侯般殺之于申蔡侯雖弑父而

而殺之刑其羣士蔡大夫深怨故以楚子名告楚公子棄疾帥師圍蔡五

月甲申夫人歸氏薨昭公母胡大蒐于比蒲仲孫

纘會邾子盟于祲祥祲祥地闕秋季孫意如會晉韓起

齊國弱宋華亥衛北宮佗鄭罕虎曹人杞人于厥

愁厥愁地闕九月己亥葬我小君齊歸齊論冬十有一月

丁酉楚師滅蔡執蔡世子有以歸用之用之殺

傳十一年春王二月叔弓如宋葬平公也嫌以聘

傳具景王問于長弘曰今茲諸侯何實吉何實凶

長弘周大夫對曰蔡凶此蔡侯般弑其君之歲也歲在

豕韋襄三十年蔡世子般弑其君歲在豕韋弗過

此矣言蔡凶不楚將有之然壅也蔡近楚故知楚將有之楚無德

而享大利，所歲及大梁，蔡復楚凶，天之道也。楚靈王蒞

立之歲歲在大梁，到昭十三年歲復在大梁，美惡周必復，故知楚凶。楚子在申，召蔡

靈侯，靈侯將往。蔡大夫曰：王貪而無信，唯蔡於感

蔡近楚之大國，故楚常恨其不服順。今幣重而言甘，誘我也，不如無

往。蔡侯不可。三月丙申，楚子伏甲而饗蔡侯於申。

醉而執之。夏四月丁巳，殺之，刑其士七十人，公子

棄疾帥師圍蔡。傳言楚子無道。韓宣子問於叔向曰：楚其

克乎？對曰：克哉。蔡侯獲罪於其君，謂弑父而亡。而不能

其民，不能施德。天將假手於楚以斃之，借楚手以討蔡。何故不

克？然，胙聞之不信，以幸不可再也。楚王奉孫吳以

討於陳，曰：將定而國，陳人聽命而遂，縣之。事在八年。今

又誘蔡而殺其君，以圍其國，雖幸而克，必受其咎，

弗能久矣。桀克有緡，以喪其國，紂克東夷而隕其

身。紂為黎之蒐，東夷叛之，桀為仍之會，有緡叛之，故伐而克之。楚小位下而亟

暴於二王，能無咎乎？天之假助不善，非祚之也。厚

其凶惡而降之罰也。且譬之，如天，其有五材而將

用之，力盡而敝之，是以無拯，不可沒振。金木水火土五者為

物用久則必有敝，盡盡則棄，捨故言無拯。五月，齊

桓猶救也，不可沒振，猶沒不可復振。

歸薨大蒐于比蒲非禮也孟僖子會邾莊公盟于

禋祥脩好禮也蒐非存亡之曲故臨喪不宜為之

泉丘人有女夢以其帷幕孟氏之廟魯邑遂奔僖

子其僚從之鄰女為僚友者盟于清丘之社曰有

子無相棄也二女自共盟僖子使助遠氏之造造副倅也遠氏

之女為僖子副妾別居在外故反自禋祥宿于遠

氏生懿子及南宮敬叔於泉丘人其僚無子使字

敬叔宗養也似雙生楚師在蔡向四月晉荀吳謂韓宣子

曰不能救陳又不能救蔡物以無親物事也晉之不

能亦可知也已為盟主而不恤亡國將焉用之秋

會于厥憇謀救蔡也不書救蔡不果救鄭子皮將行子產

曰行不遠不能救蔡也蔡小而順楚大而不德

天將棄蔡以壅楚盈而罰之盈楚惡楚必亡矣且喪

君而能守者鮮矣三年王其有咎乎美惡周必復

王惡周矣元年楚子弒君而立歲在大梁後三年十三歲歲星周復於大梁晉人

使狐父請蔡于楚弗許狐父晉大夫單子會韓宣子于

戚單子單成公視下言徐叔向曰單子其將死乎朝有

著定著定朝內列位常處謂之表著會有表野會殺表以為位衣有綈帶

有結禮領會結帶結也會朝之言必聞于表著之位所以

昭事序也視不過結禴之中所以道容貌也言以

命之容貌以明之失則有關今單子為王官伯而

命事于會視不登帶言不過步貌不道容而言不

昭矣不道不共不昭不從貌正曰共言順曰從無守氣矣此為

年冬單子卒起本九月葬齊歸公不感晉士之送葬者歸

以語史趙史趙曰必為魯郊言昭公必出在郊野不能有國侍者

曰何故曰歸姓也不思親祖不歸也姓生也言不思親則不為

祖考所歸佑叔向曰魯公室其卑乎君有大喪國不廢

蒐謂蒐比蒲有三年之喪而無一日之感國不恤喪不

忌君也忌畏也君無感容不顧親也國不忌君君不

顧親能無卑乎殆其失國為二十五年公孫於齊傳冬十一月

楚子滅蔡用隱大子于岡山蔡靈公之大子蔡侯廬之父申無

宇曰不祥五牲不相為用况用諸侯乎五牲牛羊豕犬雞

王必悔之悔為暴虐十二月單成公卒終叔向之言楚子城

陳蔡不羹襄城縣東南有不羹城定陵西北有不羹亭使棄疾為蔡公

王問於申無宇曰棄疾在蔡何如對曰擇子莫如

父擇臣莫如君鄭莊公城櫟而寘子元焉使昭公

不立子元鄭公于莊公寘子元於櫟桓十五年厲

不安位公因之以殺櫟大夫檀伯遂居櫟卒使昭公

而見殺齊桓公城穀而寘管仲焉至于今賴之

在莊三臣聞五大不在邊五細不在庭

十二年之五官玄鳥氏丹鳥氏亦有五又以五鳩鳩民五

雉為五工正蓋立官之本也末世隨事施職是以

官無常數今無字稱習古言故云五大也言五官

之長專盛過節則不可居邊細弱不勝任亦不可

居朝親不在外羈不在內今棄疾在外鄭丹在內

襄十九年君其少戒王曰國有大城何如對曰鄭

丹奔楚京櫟實殺曼伯

曼伯檀伯也厲

宋蕭毫實殺子游

在莊十齊渠丘實殺無知

無知在襄十四年

若也

是觀之則害於國未大必折折其

尾大不掉君所知也為十三年陳

知也蔡作亂傳

十有二年春齊高偃帥師納北燕伯于陽三年

燕伯出奔齊高偃高偃玄孫齊大夫陽即唐燕

二月壬申鄭伯嘉卒

夏宋公使華定來聘定華

公如晉至河乃復

五月葬鄭簡公葬速

楚殺其大夫成熊

秋七月冬十月公子楚子伐徐

晉伐鮮虞楚子伐徐

楚子伐徐不書圍以

晉伐鮮虞乾谿師告

晉伐鮮虞

不書將帥
史闕文

十二年春齊高偃納北燕伯款于唐因其眾也

言因唐眾欲納下唐三月鄭簡公卒將為葬除道葬及之故得先入唐

游氏之廟游氏子將毀焉子大叔使其除徒執用

以立而無庸毀廟具曰子產過女而問何故不毀

乃曰不忍廟也諾將毀矣教毀廟者之辭既如是子產乃

使辟之司墓之室有當道者簡公別營葬地不在鄭先公舊墓故道有

臨時迂直也司墓之室鄭之掌公墓大夫徒屬之家毀之則朝而崩弗

毀則日中而崩子大叔請毀之曰無若諸侯之賓

何不欲久子產曰諸侯之賓能來會吾喪豈憚日

中無損於賓而民不害何故不為遂弗毀日中而

葬君子謂子產於是乎知禮禮無毀人以自成也

夏宋華定來聘通嗣君也宋元公公享之為賦

蕭弗知又不荅賦蕭蕭詩小雅義取燕笑語今是

又曰既見君子為龍為光欲以寵光賓也又曰宜

兄宜弟令德壽凱言賓有令德可以壽樂也又曰

和鸞雍雍萬福攸同昭子曰必亡宴語之不懷

寵光之不宜宜揚也令德之不知同福之不受將

何以枉為二十一年華齊侯衛侯鄭伯如晉朝嗣君

定出奔傳

廿八

也晉昭公亦欲朝至河乃復取郟之役

也新立公如晉亦欲朝至河乃復取郟之役

年莒人愬于晉晉有平公之喪未之治也故辭公

公子愁遂如晉愁魯大夫如晉不書還不復命而奔故史不書於策晉侯享

諸侯子產相鄭伯辭於亭請免喪而後聽命簡公未葬

晉人許之禮也善晉不奪孝子之情晉侯以齊侯宴中行穆

子相穆子荀吳投壺晉侯先穆子曰有酒如淮有肉如

坻淮水名坻山名寡君中此為諸侯師中之齊侯舉矢曰

有酒如澠有肉如陵澠水出齊國臨淄縣大阜也寡人中

此與君代興代更也亦中之伯瑕謂穆子伯瑕士文伯曰

子失辭吾固師諸侯矣壺何為焉其以中僂也言

壺中不足為僂與齊君弱吾君歸弗來矣欲與晉君代穆

子曰吾軍帥彊禦卒乘競勸今猶古也齊將何事

言晉德不衰於古齊公孫使趨進曰日旰君勤可

以出矣以齊侯出僂齊大夫傳楚子謂成虎若敖

之餘也遂殺之成虎令尹子玉之孫與鬬氏同出

信譖而託討或譖成虎於楚子成虎知之而不能

行書曰楚殺其大夫成虎懷寵也解經所六月葬

鄭簡公傳終子產辭亭明既葬晉荀吳偽會齊師

則為免喪經書五月葬

則為免喪經書五月

則為免喪經書五月

者假道於鮮虞遂入昔陽鮮虞白狄別種在中山新市縣昔陽肥國都樂

平沾縣東有昔陽城秋八月壬午滅肥以肥子緜皐歸肥也

縣皐其君各鉅鹿下曲陽縣西南有肥累城為下晉伐鮮虞起周原伯綏虐其輿

臣使曹逃原伯綏周大夫原公也輿衆也曹羣也冬十月壬申朔原

輿人逐綏而立公子跪尋跪尋綏弟綏奔郊郊周邑甘簡

公無子立其弟過甘簡公周卿士過將去成景之族成公景公

皆過之先君成景之族賂劉獻公欲使殺過劉獻公亦周卿士劉定公亦

丙申殺甘悼公悼公即過而立成公之孫鮒鮒平公丁酉

殺獻大子之傅庾皮之子過過劉獻公大子之傅殺殺辛干

市及宮嬖綽王孫沒劉州鳩陰忌老陽子六子周大夫及

庾過皆甘悼公之黨傳言周襄原甘二族所以遂微季平子立而不禮於南

蒯蒯南遺之子南蒯謂子仲子仲公吾出季氏而

歸其室於公室季氏家財子更其位更代也我以費為公

臣子仲許之南蒯語叔仲穆子且告之故穆子叔仲帶之

子叔仲小也語以欲出季氏以不見禮故季悼子之卒也叔孫昭子以

再命為卿悼子季武子之子平子父也傳言及平

子伐莒克之更受三命十年平子伐莒以功加三命昭子不伐莒亦以例加

命為三叔仲子欲構欲構使謂平子曰三命踰

父兄非禮也言昭子受三命自踰其先人平子曰然故使昭子

使昭子自貶黜昭子曰叔孫氏有家禍殺適立庶故嫁也

及此禍在四年若因禍以斃之則聞命矣言因亂計若已不敢辭若

不廢君命則固有著矣著位昭子朝而命吏曰姑

將與季氏訟書辭無頗頗備季孫懼而歸罪於叔

仲子故叔仲小南蒯公子愁謀季氏愁告公而遂

從公如晉愁子仲南蒯懼不克以費叛如齊子仲還

及衛聞亂逃介而先介副使也及邾聞費叛遂奔齊

邾解經所出南蒯之將叛也其鄉人或知之過之而

歎鄉人過蒯而歎且言曰恤恤乎湫乎攸乎恤恤憂患湫愁隘攸懸危

貌之深思而淺謀邇身而遠志家臣而君圖家臣而圖人君

之事故言深思而謀淺身近而志遠有人矣哉言今有此人微以感之南蒯救

筮之不指其事凡卜吉凶遇坤坤下坤之比坤下坎上

比坤六五爻變曰黃裳元吉坤六五爻辭以為大吉也示子服

惠伯曰即欲有事何如惠伯曰吾嘗學此矣忠信

之事則可不然必敗外彊內溫忠也坎險故彊坤順故溫彊而

能溢所和以率貞信也和水和而土安正和正信之本也故曰黃裳

元吉黃中之色也裳下之飾也元善之長也中不

忠不得其色言非下不共不得其飾不為事不善

不得其極失中外內倡和為忠不相率事以信為

其率猶供養三德為善三德謂正直非此三者弗

當非忠信善且夫易不可以占險將何事也且可

飾乎夫易猶此易謂黃裳元吉之飾中美能黃上美

為元下美則裳參成可筮參美盡備猶有闕也筮

雖吉未也有闕謂將適費飲鄉人酒南蒯自其鄉

人或歌之曰我有圃生之杞乎言南蒯在魯欲為

非宜也杞世從我者子乎子男子之通稱言從去

我者鄙乎倍其鄰者耻乎鄰猶已乎已乎非吾黨

之士乎已乎已乎言平子欲使昭子逐叔仲小欲

自解小聞之不敢朝昭子命吏謂小待政於朝曰

吾不為怨府言不能為季氏逐小生怨禍楚子狩

于州來狩冬次于潁尾潁水之尾使蕩侯潘子司

馬督蹏尹午陵尹喜師師圍徐以懼吳五子楚大

國故圍之楚子次于乾谿在譙國城以為之援雨

雪王皮冠秦復陶秦所遺翠被以翠羽豹舄以豹

履執鞭以出執鞭以僕析父從楚右尹子革夕

子華鄭丹
冬莫見
王見之去冠被舍鞭敬大與之語曰昔

我先王熊繹楚始封君與呂伋齊大公之子王孫牟衛康叔子

康伯康伯之子燮父晉唐叔禽父周公之子並事康王康王之子成

國皆有分我獨無有四國齊晉魯衛分珍寶之器今吾使人於

周求鼎以為分王其與我乎對曰與君王哉昔我

先王熊繹辟在荆山在新城汭篳路藍縷以處草

莽跋涉山林以事天子唯是桃弧棘矢以其禦王

事桃弧棘矢以禦不祥言齊王舅也成王母齊晉

及魯衛王母弟也楚是以無分而彼皆有今周與

四國服事君王將唯命是從豈其愛鼎王曰昔我

皇祖伯父昆吾舊許是宅陸終氏生六子長曰昆

祖故謂昆吾為伯父昆吾嘗居許地故曰舊許是宅今鄭人貪賴其田而不

我與我若求之其與我乎對曰與君王哉周不愛

鼎鄭敢愛田王曰昔諸侯遠我而畏晉今我大城

陳蔡不羹賦皆千乘子與有勞焉諸侯其畏我乎

對曰畏君王哉是四國者專足畏也四國陳蔡又

加之以楚敢不畏君王哉王尹路請曰君王命剝

圭以為鍼秘鍼斧也秘柄也破敢請命請制度王

入視之析父謂子革吾子楚國之望也今與王言

如響國其若之何譏其順王心子革曰摩厲以須

王出吾刃將斬矣以已喻鋒刃欲自摩厲以斬王之淫慝王出復語

左史倚相趨過倚相楚史名王曰是良史也子善視之

是能讀三墳五典八索九丘皆古書名對曰臣嘗問焉

昔穆王欲肆其心周穆王肆極也周行天下將皆必有車

轍馬跡焉祭公謀父作祈招之詩以止王心謀父周卿

士祈父周司馬世掌甲兵之職招其名祭公方諫遊行故指司馬官而言此詩逸王是以

獲沒於祗宮獲沒不見獲見篋箠臣問其詩而不知也若問遠

焉其焉能知之王曰子能乎對曰能其詩曰祈招

之情愔式昭德音愔愔安和貌式川也昭明也思我王度式如

玉式如金金玉取其堅重形民之力而無醉飽之心言國之用

民當隨其力任如金冶之器隨器而制形故言形民之方去其醉飽過盈之心王揖而入

饋不食寢不寐數日深感子革之言不能自克以及於難

克勝也仲尼曰古也有志克己復禮仁也信善哉楚

靈王若能如是豈其辱於乾谿晉伐鮮虞因肥之

役也肥役在此年

春秋左傳卷二十二

<p> <small>八十五</small> <small>文五</small> <small>其</small> </p>	<p> <small>其</small> </p>	<p> <small>其</small> </p>	<p> <small>其</small> </p>	<p> <small>其</small> </p>	<p> <small>其</small> </p>	<p> <small>其</small> </p>
--	---------------------------	---------------------------	---------------------------	---------------------------	---------------------------	---------------------------

